

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinski načelnik
Broj: 01/2-05-89-2421/18
Živinice, 12.09.2018. godine

Prosperitetna zajednica zadovoljnih građana, poduzetnika i investitora, u kojoj se skladno razvijaju urbana i ruralna područja i štiti prirodna i kulturna baština, sa lokalnom upravom koja je posvećena stalnom unapređivanju životnog standarda građana i kvaliteta života u općini Živinice. Zajednica koja vitalnošću, kvalitetom života i održivim razvojem zaslužuje status Grada. U skladu sa navedenom vizijom i misijom Načelnik Općine Živinice, dr.sc. Samir Kamenjaković utvrđuje

POLITIKU KVALITETA

OPĆINA ŽIVINICE kao jedinica lokalne samouprave, važan je pravni subjekat u izgradnji, razvoju i unapređenju integrisanog lokalnog razvoja. Na osnovu vlastite odgovornosti i opredijeljenosti, u interesu i potrebama lokalne zajednice, ima obavezu stalno izvoditi i poboljšavati pružanje usluga na zadovoljstvo i dobrobit svih građana i drugih zainteresiranih strana.

Da bi se utvrđena vizija i misija realizovala potrebno je ostvariti sljedeće ciljeve:

- Moderna, efikasna, transparentna i korisnički orijentisana lokalna samouprava, koja djeluje na način da ispunjava zahtjeve i očekivanja građana.
- Općina koja nudi podjednake mogućnosti svim svojim građanima u pogledu dostupnosti javnih usluga.
- Konkurentna investicijska destinacija sa moderno uređenim poslovnim zonama,
- Općina sa kontinuiranim otvaranjem produktivnih radnih mjesta u privredi i poljoprivredi,
- Općina koja u potpunosti iskorištava raspoložive poljoprivredne resurse i time stvara značajnu dodanu vrijednost u oblasti poljoprivrede.
- Općina sa kontinuirano rastućim brojem turista zahvaljujući razvijenom i raznovrsnom turističkom sadržaju.
- Općina sa značajno smanjenim stepenom zagađena zraka, vode i zemljišta u kojoj je rizik od zaraznih bolesti sveden na minimum.
- Općina sa implementiranim energetske-efikasnim rješenjima u većini javnih ustanova i javnih mjesta.
- Unaprijeđen kvalitet života u urbanim i ruralnim područjima uz značajnije uključivanje socijalno osjetljivih grupa, uređen prostor i očuvana raznovrsnost prirodnih resursa uz smanjen stepen zagađenosti vazduha, zemljišta i vode.
- Općina sa brojnim i raznovrsnim kulturno-sportskim sadržajima i visokim stepenom involviranosti mladih ljudi.

U tom cilju naša temeljna opredjeljenja su:

- U potpunosti primjenjivati sve zahtjeve standarda ISO 9001:2015, zakonske i druge važeće propise.
- Profesionalni razvoj svih zaposlenih i menadžment ljudskih resursa (sistem rada, edukacija, trening i razvoj zaposlenih, zadovoljstvo i prava za zaposlene).
- Kontinuirano unapređenje pružanja usluga građanima treba da bude stalni cilj lokalne samouprave, primjenom savremenih principa poslovnog menadžmenta.
- Korištenje najsavremenijih informacionih tehnologija u radu uposlenika općine.
- Ostvarivanje vizije i strateških ciljeva postiže uključivanjem i saradnjom sa javnim i privatnim sektorom te civilnim društvom.

Načelnik Općine

dr.sc. Samir Kamenjaković